



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

SYMBOLVM LXXVI.

Ajax insaniens.

Sophocles in Ajace flagellifero.

Ethicè,

1. Reverentia templorum.
2. Iracundia & cæsus furor.
3. Iræ diversi stimuli.
4. Suimēt carnifices.
5. Qua parte corporis pateat locus vulneri in animum.

Ajax duos fuisse legimus: alter erat filius Oilei Locrensum Regis, velox pedibus, peritus hastæ vibrandæ; captâ Troiâ Cassandram Priami filiam, virginem & vatem, in templo Palladis violavit. Quam ob causam domum repetens, fulmine à Pallade occisus est. Virgil. Æneid. lib. 1.

Illa Jovis rapidum jaculata ē nubibus ignem,
Disjecitque rates, evertitque æquora ventis;
Illum expirantem transfixo pectore flamas
Turbine corripuit, scopulōque infixit acuto.

Alter erat Telamone creatus ex Hesione, filia Laomedontis, fortissimus in exercitu Græcorum post Achillem. Multis rebus præclarè gestis, cum Hectorē congressus est, & nisi nox duellum diremisset, Ajax palam reportâsse. Discedens igitur, Hectori baltheum suum dono dedit, accepto ab eo gladiō. Achille mortuo, cùm Ajax sibi donata ab eo arma tanquam legitimus hæres repeteret, adipisci tamen ea (Ulysses enim eloquentiâ suâ à judicibus impetrârat) non potuit. Itaque dolori simul ac iræ succumbens, in insaniam incidit, & multa pecora, imprimis arietem corpore præstantem occidit, credens se Atridas (Agamemnonem & Menelaum supremos Græcorum Duces) & Ulyssem interemisse, verū ad mentis sanitatem rediens, cùm sè falsum comperisset, acri dolore compulsus, gladio, quem Hector donaverat, in loco deserto se transfodit: cujus crux in hyacinthum florem, vel ut aliis placet, in florem sui nominis permixtatus est. Chiliaestes paulò aliter refert Ajacis insaniam; ait enim, illum adeò graviter tulisse, Ulyssem sibi prælatum in capessanda successione armorum Achillis, ut præ dolore in

amen-

amentiam versus sit: itaque gladio districto in gregem pecorum insiliit, existimans sese Græcorum copias cädere. Tum duos quosdam maximos fues à trabe suspensos flagris cecidit, arbitrans, hos esse Agamemnonem atque Ulyssem; quorum alteri ut judici, alteri ut victori potissimum erat iratus. His igitur suibus plurimo cum risu insultavit, addens convitia, quæcunque suggerebat splendida bilis. Deinde postquam respuisset, partim pudore, partim metu, sibi mortem consivit. Unde adagium: *Ajacis risus*, quod non importunè torquebitur in eos, quibus risus obo- ritur nulla de causa, quem vulgo dicunt insanæ, atque stultitiae argu- mentum.¹⁰¹ Item in homines mortiferis voluptatibus gaudentes, brevi perituros: aut qui malefactis gaudent, mox poenas daturi: aut qui cum Ajace videntur sibi ex ultione inimicorum gaudium peperisse; cùm suo se configant gladio, dum in horrendam vindictæ Divinæ incurunt manum.

Ethicæ.

I. (a) Ajax, Oilei filius, sacrilego stupro templum Palladis vio-
lavit, ejusque flagitii meritas poenas dedit. *Exspiravit transfixo pectore
flamas*, ut intelligas, supplicium respondisse peccato. Transfixus an-
tè cupidinis sagittis, & impuris incensus ignibus, postea luit, flumine
trajectus ibi, ubi turpiter arserat, scilicet in pectore, amoris lascivi
se-de. Si hoc in profanis idolorum delubris tam graviter vindicatum,
quid dicemus de reverentia templis vero Numini consecratis debita?
De quibus psal. 92. *Domum tuam decet sanctitudo*. Et Joannes Apocal.
22. *Foris canes, & venefici, & impudici*. De his orator aureus Multi,
inquit, ad formas mulierum aspiciendas, ad adolescentulorum pul-
chritudinem curiosiñ intuendam in Ecclesiam veniunt. Tum assurgit:
non miraris, quomodo undique fulmina non deferuntur: quomodo
cuncta funditus non evertuntur? hæc enim non fulminibus solùm, sed
gehennæ suppicio dignissima sunt. Pergit porrò & percontatur: Quid
facis homo; mulieris speciem curiosius in Ecclesia perscrutaris, nec hor-
rescis, tanta Dei templum afficiens contumelia? Prostibulum tibi vi-
detur Ecclesia, & foro ignobilior? Nam in foro erubescis, etiam ti-
mes, ne quis te videat mulierem sectari; in Ecclesia verò Dei, cùm ipse
DEUS te alloquatur, & ab ipsis deterreat, eo ipso tempore maxime,
fornicatione & adulterio uteris, quo tibi magna voce intonatur, ut ab
his

(a) Reverentia templorum.

his fugias ; nec horrescis, nec stuperes ? Hæc S. P. homil. 24. in Matth. Non minus acriter Hieronymus in Sabinianum quandam invehens, detonat : Infelicissime mortalium ! tu speluncam illam, in qua filius Dei natus est, & veritas de terra orta est, & terra dedit fructum suum, de stupro condicturus ingrederis ? Non times, ne de præsepi infans vagiat, ne puerpera virgo te videat, ne mater Domini contempletur. Angeli clamant, Pastores currunt, stella desuper rutilat, Magi adorant, Herodes terretur, Hierosolyma conturbatur ; & tu in cubiculum Virginis, decepturus virginem irrepis ? Paveo miser, & tam mente, quam corpore perhorresco, ponere tibi volens ante oculos *opus tuum*. Et paullò post, insolito quodam eloquentia, non tam flumine redundans, quam fulmine incandescens : pro nefas ! inquit, non possum ultra progredi : prorumpunt lacrimæ, antequam verba : & indignatione pariter, ac dolore, in ipso meatu faucium, spiritus coarctatur. Ubi mare illud Eloquentia Tulliana ? ubi torrens fluvius Demosthenes ? Nunc profecto muti essetis ambo, & vestra lingua torpesceret. Inventa est res, quam nulla eloquentia explicare queat: repertum est facinus, quod nec scurra ludere, nec Atellanus possit effari. Epist. 48. in Sabin. Quis non factum illud Adriani Imp. prorsus sacrilegum detestetur ? Qui ut Natalitii Christi antri religionem demoliretur, in eo statuam Adonis erexit ? ut in specu (loquor cum Hieronymo) ubi Christus parvulus vagitur, Veneris amans plangeretur. Huc facit, quod narrat Basilius Seleuciæ quondam Præfus lib. 2. de miraculis S. Theclæ cap. 16. Dies agebatur Diue Martyri Theclæ facer, non majore frequentia populi, quam religione. Sed ut fieri solet, magna in turba multos trahit pietas, multos curiositas. Ex hac tribu duo Irenopoli advenerant, qui sacris in templo solenniter peractis, cum festam diei celebritatem multis extollerent laudibus, (quod enim pectus tam agreste est, cuius fibræ sacri apparatus decore non moventur ?) alter eorum Orentius nomine, non minus spure loquens, quam sentiens, prædicet, inquit, quisquis voluerit festivas hasce pompas, & lætabilem diem ; una res perplacuit mihi, quam è templi odëo despiciens, præ omnibus aliis suspexi. Feminam sum intuitus, pro quantum formæ miraculum ! nihil mihi musica ; nihil ornatus sacræ ædis, nihil oratoris eloquentia, prout sola hæc delicium super omnem ambrosiam, & nectar fuit : nihil erat magis cordi, quam Divam ut Theclam exorarem, quod efficeret, hac ut mihi forma liceret frui. O pulchras preces, non à cœlo, sed tartaro audiendas ! Et ve-

Kkk . rō mi-

rò mīnīmē fūrdūs fuit Orcus. Postea enim, quām plures ejus gēneris contribules satis in caupona genio suo litārunt, vinōque graves & somno, cubitum concesserunt, solus Orentius quanquam largo pocēnio invitatus, quietem capere non potuit, desiderio scilicet abreptus voti sui potiendi. Nec distulit Orcus conferre, quod petebatur. Objicitur homini species S. Theclæ, throno aureo insidentis & munera cultoribus suis impertientis. Inter quos cūm non postremum se crederet Orentius, exspectabat nēmpe donū optatis suis conveniens. Videbatur audire Theclam dicentem: nosse se, quid adamaret, iret porrò & desideratum mus, elegantem feminam duceret domum. Hic ille gestire gaudio, & suam jam Paris novis Helenam spe devorare. Vix effluxerat hora, cūm exoptata Venus adest, accedit, amplectitur, amores suos osculatur. Quid beatius Orientiō? Dum cupitis inhāret amplexibus, ecce tibi Venus repente in terribilem Harpyiam mutata, viperos pro crinibus angues, flammeos pro osculis oculos, horridos pro complexibus expedit ungues, crudeliterque in amatorem suum involans, cutem intelici Marfyæ à capite ad pedes deripit, tantōque fœtore ac vermium squalore opplet, ut cæteri, qui in eodem cubiculo quieti se commiserant, horrore & averna li mephite semianimes, ubi reddita luce ad se redierunt, quōdque naribus hauserant, insuper oculis inspexerunt, exemplo tam tristi edocti, castiūs deinceps & reverentiūs Cœlitum & templorum honores statuerint habere. Terreant aliós quoque, hæc spretæ religionis documenta, & Ajaces ac Orientios non pectore tantū, sed toto corpore tartareas flamas exspirantes non imitentur in scelere, si nolunt sequi in suppicio. Poëta monet:

Casta placent superis, casta cum veste venite.

Neque veste tantū, sed etiam, & potissimum, mente.

II. (b) Ajax Telamonius ab Ulyssē in judicio vīctus, præ ira insaniens in pecora desæviit, ratus Ulyssē cum sociis se interficere. Ita multi iracundia, odiōque correpti, ac velut œstro perciti, bestias pro hominibus, homines pro bestiis habent; nec raro innocentes judicant esse nocentes. Sic canis in lapidem sævit, quem aliena manus projecit. Juxta Poëtam Lyricum: *Ira furor brevis est.* Seneca brevem insaniam vocat. Cato iratum ab insano, non nisi tempore distare affirmat. Nam ut furentium certa sunt indicia, audax & minax vultus, tristis frons, torva facies, citatus gradus, inquietæ manus, color versus, crebra & vehementiūs acta suspiria: ita irascentium eadem signa sunt. Flagrant & mi-

(b) Iracundia cactus furor.

& micant oculi , multus ore toto rubor , exæstuante ab imis præcordiis sanguine : labia quatiuntur , dentes comprimitur , horrent ac subriguntur capilli , spiritus coactus ac stridens , articulorum se ipsos torquentium sonus , gemitusque , mugitusque , parum explanatis vocibus sermo præruptus , & complosæ fæpius manus & pulsata humus pedibus , & totum concitum corpus , magnasque minas agens , fœda & visu horrenda facies depravantium se , atque intumescentium . Nescias utrum magis detestabile vitium sit , an deformis . Senec. lib. 1. de ira. c. 1. Et recte Cicero : Iratos , inquit , propriè dicimus exisse de potestate , id est de consilio , de ratione , de mente . Quid quæso insano & furioso similius , quam quod teste eodem Romano Philosopho , Caligula Imp. ob turbata pluviis spectacula , Jovem ipsum in duellum provocarit , exclamans : *aut tolle me , aut ego te* . Atque his dictis , sagittarios suos in cœlum tela vibrare jussit , quæ relapsa subjectorum capita graviter sauciabant . Non sanior fuit Hispanus ille aleator , cui cùm lusus infelicitus cessisset , furore amens domum venit , expedire arma cœpit ; pectus lorica , caput galea , cætera quoque membra ferro & chalybe munire . Mox incenso equo , properat in forum fulminabundus ; & quia in confestum hominum cuneum incidit , rogat , si quisquam præsens foret Numinis assertor , & amator , protinus arma indueret , & eques aperto campo congregareretur , demonstraturum se , nullum in cœlo esse Deum , quem reveri debeat . Momento adfuit vindicta ; advolavit vespa , per fenestræ galeæ foramen penetravit , tantoque cum doloris sensu fronti effronti vulnera inflixit , ut blasphemus provocator capiti detraheret galam , sese abjiceret humili , faciem telluri opponeret , ad hostilem furorem declinandum . Cùm ne sic à se amoliretur malum , denique insolentissimus thraso , abjecto supercilio , imbelli hosti herbam porrexit , & clara voce geinebundus Deum esse confessus est , justum commissi facinoris ultorem . Paulus Zehentner in verme malæ conscient . lib. 3. c. 1. En , quod dementia & furoris hominem ira præcipitat . Iterum audiendus Seneca , qui , ut Lactantius loquitur , morum vitiorumque publicorum descriptor verissimus , & accusator accerrimus . Hic lib. 2. de ira . c. 35. ait : Magis videndum est , quam multis ira per se nocuerit : alii nimio fervore rupere venas , & sanguinem supra vires elatus clamor egessit , & luminum suffudit aciem , in oculos vehementius humor egreditus ; & in morbos graviores recidere . Tum subdit : *Nulla celerior ad insaniam via* . Multi itaque continuaverunt iræ furorem , nec quam expulerant

pulerant mentem, unquam receperunt. Idem c. 26. Quid est demens, quām bilem in homines collectam, in res effundere? atque ut his irasci dementis est, quæ anima carent, sic & brutis animalibus: quia nulla est injuria, nisi à consilio profecta. Huc insanæ delapsus est Ajax, quam in pecudes, tanquam in homines, flagellis ferociter incussis exhibuit.

----- furor iraque mentem

Præcipitant.

Canit Poëta 1. Æneid. Atque hic furor erumpit in oculos, in genas rubor, in linguam verba, in pugnos; nec pauci Orestis instar, vi insanæ sibi digitum arrodunt, caput pugnis cædunt, aut parieti allidunt Furijs agitati; aut cum Ajace fæse ipsos transfigunt medios. Lycurgus certè Rex Thraciæ in furorem versus, crura sibi amputavit. Cleomenes à Lacedæmoniis pulsus, pristinæ denique dignitati restitutus, non multò pôst in tantam insaniam incidit, ut obvio cuique sceptrum impingeret; quare vincitus & custodiæ mandatus, arrepto carcerarii gladio, ab ima corporis parte ad verticem capitis se dissecuit. Ira feris & bestiis simillima, omnes invadit, nullo discrimine, Tros, Rutulûsve fuat. Amicum ab hoste non discernit, nec belluam ab homine; in modum Ajacis dum porcos verberat, putat se in Græcos sœvire. Hæc Athaman tem & Agaven in ipsos filios cæco furore impulit. Hinc.

Eumenidum veluti demens videt agmina Pentheus,
Et solem geminum, & duplices se ostendere Thebas.

Virg. 4. Æneid. De ira doctissimus Muretus in 4. Ethic. cap. 5. Hæc, inquit, prava animi affectio latissimè diffunditur; non omnibus metuimus, nec omnibus invidemus; at omnibus irascimur, etiam rebus inanmis, & ratione carentibus, etiam Deo. Ira plurimorum & gravissimum malorum causa est. Seneca de Ira lib. 1. c. 2. Jam vero si effectus eius, damnâque intueri velis, nulla pestis humano generi pluris stetit. Videbis cædes ac venena, & reorum mutuas sordes, & urbium clades, & totarum exitia gentium, & Principum sub Civili hasta capita venalia, & subjectas tectis faces, nec intra moenia coercitos ignes, sed ingentia spatia regionum hostili flamma reluentia. In remedium iræ, juvat considerare levitatem causarum. Frivolis, inquit Philosophus ille Romanus, turbamur & inanibus. Taurum color rubicundus excitat, ad umbras aspis assurgit, ursos, leonésque mappa proritat. Omnia quæ naturâ fera ac rabida sunt, consternuntur ad minima. Idem inquietis, ac stolidis ingenii

ingenii evenit, rerum suspicione feriuntur, minimis sordidisque rebus exacerbantur. Parum agilis est puer, aut tepidior aqua potui, aut turbatus torus, aut mensa negligenter posita: ad ista concitari insania est. Constantinus Imp. Hortensium in amicis summū occidit, quod calamū minus commodum obtulisset. Vedus Pollio pincernam murānis objecit, quod vasculum crystallinū fregisset: Commodus Imp. balneatorē in fornacem ardentem conjectit, quod balneum intraturus, tepidiusculum reperisset. Idem in pocillatorem ardens, paralysi causam dedit, qua brevi absymptus est. Wenceslaus Bohemiae Rex, coquum ob capum minus bene assūm, veru affixum ad ignem torrii jussit. Franc. Remond. lib. 4. c. 3. Otho Antonius montis Ferrati comes, atque Urbinate Princeps puerum cubicularem resinato linteō atque sulphure perfuso involutum vivum, in candela morem combussit, quod horā, quam ei præfixerat, se non excitasset. Fulgos. lib. 9. Cyrus Rex fluvium Gyndem, ob unum jugalium equorum submersum, in plures rivulos deductum, exiccavit. Idem Seneca lib. 2. de Ira c. 25. Et lib. 1. c. 3. irascimur non illis, qui læserunt; sed his, qui læsuri sunt: ut scias iram non tantum ex injuria nasci. Verum est, irasci nos læsuri: sed ipsa cogitatione nos lædunt, & injuriam qui facturus est, jam fecit. Et c. 7. Optimum, inquit, est, primum irritamentum iræ, protinus spernere, ipsique repugnare seminibus, & dare operam, ne incidamus in iram. Nam cum hostis portis se intulit, modum à captivo non accipit. Deinde spatiū animo dare. Athenodorus Philosophus Augusto Cæsari monitum dedit: Iratus nihil dicas aut facias, priusquam litteras Alphabeti Græci recitaveris. Hæc ille. Cui consonat vir in Christiana philosophia doctissimus. Ira, inquit, est affectus maximè implacidus & turbulentus, qui si semel invaserit hominem, vix in eo humanæ naturæ vestigia relinquit. Ira brevis insania est, sui impotens: armorum, sanguinis & suppliciorum aida, decoris oblita, necessitudinum immemor, in ipsa irruens tela, ut alter noceat; ruinis simillima, quæ super id, quod oppreserunt, franguntur. Reliqua vitia certis quibusdam finibus coëcentur, iræ nihil est intactum, nihil incessum: cælum ipsum petimus iracundiâ. Hinc blasphemiae, hinc querimoniae adversus Deum, hinc de eius providentia mortæ ab impiis controversiæ. Nec his duntaxat irascimur, à quibus nos læsos existimamus; sed futuræ etiam injuriæ cogitatione offendimur, & qui facturus injuriam, falsa plerumque imaginatione creditur, jam fecisse. Ira suum impetum in eum ipsum, qui irascitur, non raro frangit. Id quod in Ajace videmus: de quo Seneca: Ajacem in mortem egit furor.

K k 3

ia

in furorem ira. Et quæ causa est Offensionis? Opinio. Tolle opinionem, & nihil nocebit tibi. Nihil te lædet, nisi te ipsum læseris. Plato, iratus in servum, manum, quam percussurus sustulerat, suspendit dicens: eaderem, nisi irascerer. Prius voluit iracundiam flagellare, quam servum.

III. (c) Quæ causa tantæ iracundiae? impatientia repulsæ, ambitionis stimulus, invidiæ venenum, injuriæ dolor, imaginaria contempnus, & ignominia impressio, odium denique & vindicta in eos, à quibus se læsum putabat Ajax. Prælatio Ulyssis cœstro percult superbum pectus, & in violentas animi perturbationes illisit. Verissimè laudatus à nobis Philosophus lib. I. c. 18. Immodica ira gignit insaniam: nec interest, ex quam magna causa nascatur, sed in qualem perveniat animum. Sic ignis, non refert, quam magnus, sed quò incidat: nam etiam maximum, solida non receperunt; rursus arida & corripi facilia, scintillam quoque fovent usque in incendium. Mirum de Ajace, quem celebrat Ovidius.

Hectora qui solus, ferrumque, ignemque, Jovemque
Sustinuit toties, unam non sustinet iram;
Invictumque virum vicit dolor.

Quid indignus? tot palmarum vñctor, iræ, vitio maximè femineo succubuit. Certè non magnus est animus, quem perturbat injuria. Proprium est magnitudinis veræ, non se sentire percussum. Sic immanis fera ad latratus canum lentè respicit: sic irritus ingenti scopulo fluctus assulat. Senec. I. c. c. 25. In exemplum adducit Catonem¹, qui per contumeliam à quodam percussus, postulantí deinde veniam percussori, non memini, inquit, me percussum. Melius putavit non agnoscere, quam vindicare. Idem lib. 3. c. 5. Ut ulcerata, & ægra corpora ad ictus levissimos gemunt, ita muliebre maximè & puerile vitium est ira. Accinit Juvenalis Sat. 13.

----- quippe minuti,
Semper & infirmi est animi exiguique voluptas,
Ultio; continuo sic collige, quod vindicta
Nemo magis gaudet, quam femina.

Et Aristoteles lib. 4. Ethic. c. 3. Sicut debitum est stomachi, non posse duriorum cibum concoquere; ita hominis pusillanimis est, verbum duriusculum non posse sustinere. Accedit Magister Seneca lib. 1. de ira. c. ult. Ne illud quidem judicandum est, aliquid iram, aut vindictam ad magnitudinem animi conferre, non est enim illa magnitudo, Tumor est; nec corporibus copiâ vitiosi humoris intensis incrementum est, sed pestilens

(c) Ira stimuli.

lens humor. Addo S. Ambros. lib. 1. offic. c. 36. Vindicare se, non est actus fortitudinis, sed abjectionis & timiditatis. Vincitur ab inimico, non vincit, qui se vindicat.

IV. (d) Ajax dum ultiōnis impetu abreptus in hostes s̄evire se credit, in seipsum s̄evit, suummet in gladium victima non miseranda incubuit: nimirum à puncto honoris jam ante vulnus accepit. Ita Saul Hebrorum Rex primus ob epinicum Davidi à pueris cantatum, ex unica scintilla in tantum invidiae & vindictae incendium exarsit, ut sceptrum, diadema, Regnum, victoriam, corpus, animam, famam, omnia perdidit, suimet detestabilis carnifex. Sic Achitophel ob spretum consilium à se datum, gulam laqueo sibi fregit. Sic Aman purpuratorum Regis Assueri præcipiuus, injuriam & despicatum summum interpretatus, quod Regiam intranti Mardochæus genua non inflexerit, non prius quievit, quam altius, quam vellet elatus, infame pondus è patibulo penderet. Adeò tumultu mescit superbia, ut merito globo incendiario comparetur. Cuius epigrapha. *Rumpor ut rumpam.* Imò s̄epius rumpitur, & non rumpit. Expertus est Ajax. Pusillus sānè & imbecillus est animus, quem doloris cūjuscunque impatientia in voluntariam mortem adigit. Sic imbellis & abjectus pugil Cato fuit, illud olim fortitudinis falsæ miraculum, qui casum aliquem aut causam putarit dignam ultrò illata nece. Si vir, si fortis, si sapiens fuisset, C. Jul. Cæsar is gladium exspectasset. Non suo, sed alieno moriendum erat scelere. *Αὐτόχειοι* veteribus laudati, sonitum super arma, sed brevem dēdere; in iētu ad regna Plutonia descendenterunt. Sic dolore & dedecore vieti Xenocrates, C. Carbo, P. Crassus, L. Sylanus, Brutus, Cassius, Silius Italicus, Cornelius Gallus sibi manus intulerunt. Sic Hannibal hausto, quod inclusum annulo gestabat, veneno, se ipsum confecit. Sic Nero, sic Otho imperator, sic innumerī alii infelicem spiritum sua manu expulerunt. In qua insania mulieres habuerunt æmulas: pauculas ex ingenti turba memorabo. Monyma Mithridatis uxor in desperatione rerum profligatarum, ignominia impatiens, detractum è capite diadema collo circumligavit, séque ipsam suspendit. Cūm autem corporis pondere laqueus ille disruptus esset, dixit: Execrandum diadema, neque in tam tristi ministerio mihi profuisti. Moxque, cūm super illud humili abjectum insputasset, Eunuchus regio sese obtulit jugulandam. Plut. in Lucullo. Cleopatra Ægypti regina, ne in triumphum ab Augusto Cæsare duceretur, unica punctiuncula, vel aspidis corpori admotæ, vel acūs capillaris, quam in-

tra

(d) Suimet carnifices.

tra comam abstrusserat, veneno illitæ, necem sibi concivit. Femina quædam, de qua Lipsius meminit in monitis Pol. lib. 5. c. 93. ne Romanis se dedere cogeretur, filiolos duos injectis collo laqueis, ad pedes suos alligavit, & se à trabe suspendens tres impetu uno stragulavit. Ajax profectò minimè merebatur armis Achillis potiri, cuius animolongè impar fuit. Quidquid præclare gesserat, indomito mentis impetu, & ignominioso fine corruptus. Iterum Seneca: Imbecillus, ait, & ignavus est, qui propter dolorem moritur. Vir fortis non fugere debet è vita, sed exire. Et Martialis: Hic rogo non furor est, ne moriare, mori!

Nolo virum, facili redimit qui sanguine vitam.

Hunc volo, laudari qui sine morte potest.

Qui sustinendo vincit potius fortunam, quam moriendo declinat.
Et Seneca Poëta in Thebaide: Non est virtus

Timere vitam, sed malis ingentibus
Obstare, nec se vertere ac retro dare.

Quod ipsum prædictus Epigrammatarius cecinit:

Rebus in adversis facile est contemnere vitam;

Fortiter ille facit, qui miser esse potest.

V. (e) Habent fabulæ, Herculem aliquando Salaminem venisse ad Telamonem, ibique cum Ajacem adhuc infantem confexisset, circumdedisse illi τὴν λεονίνην, pellem leoninam suam, precatumque, ut quæ puer tegeretur illâ, invulnerabilis foret. Quod ita factum; fuisseque Ajacem toto corpore invulnerabilem, præterquam latere, id enim contextum non fuerat. Hinc Ovidius lib. 13. Metam. de Ajace:

Dixit, & in pectus tum demum vulnera passum

Quæ patuit ferro, lethalem condidit ensem.

Per latus scilicet in pectus mucro penetravit. Quod docemur, parum esse, herorum exuvias tegi, ferarum spoliis muniri, si latus domitio præbeas hosti. Poterat Ajax vir fortis, & plane Hercules videri, si quemadmodum pectus ac tergum pelle leonina obarmatum fuit, ita partem quoque corporis illam, in quam iræ & gladio aditus patebat, obmuniisset. Inevitabile vulnus est, quod ex intestino aggressu inferatur; nam dulce videtur perire telo, à quo plaga in suummet autorem venit. Per suum se latus provocavit, petiit, & interiit Ajax.

SYM.

(e) Qua parte corporis pateat locus vulneri in animum.